

fecere, & helvetiis sacramentum dixerunt, hac conditione: si intra præfinitum tempus Dux Austrius eos, exercitu adducto, obsidione liberaret, ab helvetico sacramento liberi, in ejus obedientiam redire possent. Cum autem vidissent sibi nullam in Austrio spem esse, Helvetio fœderi se juuxerunt. *Tugium*. Pagus 11. habet partes, & in illis Conventus 17, ex quolibet autem Conventu 12 eliguntur Senatores qui regioni consulant. Opidum ipsum duorum Conventuum loco censetur. Ager vicinus tres Conventus habet, *Montanum Vallem Egeriam*, sive *Aquas Regias*, *Baram* parochiam. Imperant autem *Tugini* Opidani per Præfectos in Vrbe commorantes his locis: *Cham* Opido, *Andreae* vico, *Hunelbergo* *VVacheville*, *Steinbuse* pago, *S. VVolfgangi*. Hæc de priore hujus Tabulæ provincia, sequitur altera, nimirum *Basiliensis*, ab inclyta Vrbe Basilea sic dicta. Dicitur & *Sungovia*, quod nomen e Sequanis deductum esse haust obscura est conjectura, quam etiam Rhenanus approbat, rerum Germanicarum libro tertio. Agrum habet Vini optimi, Frumentique feracissimum: ut etiam vicinis annonæ caritate pressis, succurrere valeant ipsius Incolæ. Sunt & Pecorum pascua lætissima. Hanc Regionem olim, Scudo teste, *Raurici* Ptol; Cæsari *Rauraci* insederunt, quos refert, helvetiorum exemplo, omnia sua Opida vicosque, & quicquid ædificiorum habebant, exussisse. *Basilea* inclyta Vrbs hodie Regionis Caput: Hanc nonnulli *Basileam* dictam a Basilio hic reperto, quorū opinio absurda est, volunt. Alii a *Basileia* Iuliani Imperatoris matre. Rhenanus a trajectu, quem lingua Romanensis, hoc est Gallica *Passum* vocat, ut sit dicta *Basilea*; quasi *Passilea*. Et addit; trajectum hoc loco fuisse verisimile esse, etiam dum stante Augusta, quod hic propter vallem per quam torrens è *Byrsa* ductus fluit, ripa sit humilior, & ob multas causas ad transitum aptissima, apud Augustam autem abrupta. Hanc tamen conjecturam Munsterus rejicit, autoritate Marcellini, qui Civitatem illam Græca voce *Βασιλείαν*, id est *Regnum*, vocat, quasi *Regnopolim*. sed *Regiam* Civitatem. Alluitur hæc Vrbs Rheno, qui eam pæne mediam dividit, nisi quod ponte unitur. Habet Vrbs ipsa commoditatem magnam a Rheno, quia ad eam plures sunt navigationes magnisque potest adiri oneribus. Passa est ante annos ducentos multos & graves terræ morus. Sed rursus est instaurata, & anno MCCCCLX a Pio Pontifice Academia ornata, quæ omnibus ab eodem donata privilegiis, iuribus & immunitatibus, quibus fruuntur Academia Bononiensis, Coloniensis, Heidelbergensis, Erfordiensis, Lipsensis & Viennensis. Præfecturas habet *Basilea* quæ sunt; *Faren-Sperg* Arx; *Rinsfeld* in edito Monte sita: *VValenburg* Opidum: *Homburgum*: *Munchenstein*: *Ramstein*. *Toggium* Comitatus ubi *Togwyl* opinor est, subest Abbati S. Galli, cum *Toggiani* Cives sint *Suitiorum* & *Glaronensium*: *Rapperswyl* Comitatus: *Straesberg* Comitatus opinor, ubi *Straesberg* corrupte scriptum existimo; *Kilchberg* Baronatus. Reliqua *Tugini* pagi & *Tigurini* habes in Tabula Argovv. Abbatia Imperii in hac Tabula, quæ neque in Suevico Circulo, neque in Germania Univerſali monstrantur sunt *Reichenovv*, *Schaffhusen*, *Kreutzlinge*, *Pfeffers*, *Pfefficon* opinor. Fluminibus hæc regio rivulisque rigatur pluribus, quos omnes tandem Rhenus recipit. Inter hos *Rhenus*, *Byrsa* & *VViesla*: *Byrsa* ex lura monte per multas convalles Basileam usque devolvitur, plurima secum deferens ligna & lignorum rates. *VViesla* vero flu. ab opposita parte a Nigra Silva segregatur, adferunturq; per eum plurimæ trabes & edificiis

Inymie
ex hinc
fuy. 41a

Provincia Basiliensis.

Urbs Basilea.

Unde dicta.

Flumina.